

عاجز عن الشكر | #خطبة_جمعة | د. حازم شومان

حازم شومان

السلام عليكم ورحمة الله وبركاته ان الحمد لله نحمده ونستعين به ونستغفره ونعوذ بالله من شرور انفسنا ومن سيئات اعمالنا. اللهم نعوذ بك من شرور انفسنا ومن سيئات اعمالنا. اللهم انا نعوذ بك من شر - 00:00:01

انفسنا ومن سيئات اعمالنا. انه من يهده الله فلا مضل له. ومن يضل فلن تجد له هاديا مرشدا يا ايها الذين امنوا اتقوا الله اتقوا الله حق تقاته ولا تموتن الا وانتم مسلمون. يا ايها الناس اتقوا ربكم الذي خلقكم من نفس واحدة. وخلق - 00:00:28

اتق منها زوجها وبث منهما رجالا كثيرا ونساء. واتقوا الله الذي تساءلون به والارحام ان الله كان عليكم رقيبا. يا ايها الذين امنوا اتقوا الله وقلوا قولا سديدا قولوا قولا سديدا. يصلح لكم اعمالكم. ويغفر لكم ذنوبكم. ومن يطع الله - 00:00:56

هو رسوله فقد فاز فوزا عظيما. ومن يطع الله ورسوله فقد فاز فوزا عظيما. اللهم صل على - 00:01:26

الحبيب محمد. اللهم صل على محمد. اللهم صل على نبينا محمد اللهم صل على الحبيب محمد وعلى ازواجه امهات المؤمنين وعلى ذرية وال بيته انك حميد مجيد اما بعد اخواني واحبابي في الله اسأل الله الهدى والتقى والعفاف والغنى. نسأل الله ان يلهمنا رشدنا وان - 00:01:46

من شر انفسنا نسأل الله مصرف القلوب ان يصرف قلوبنا على طاعته. نسأل الله الهدى والسداد والحكمة الرشاد والتوفيق والمدد. اللهم ايدنا بروح منك. اللهم امدنا بمددك العظيم. اللهم اجعل لنا ودا يا رحمن - 00:02:06

برحمتك يا ارحم الراحمين. اخواني واحبابي في الله قال الله عز وجل واسبغ عليكم نعمه ظاهرا تراثا وباطنا. يعني ايه اسبغ عليكم نعمة؟ يعني ربنا غرقك نعم. يعني انت غرقان؟ انت مش غرقان زنوب؟ انت مش غرقان مشاكل او ابتلاءات زي الناس اللي قاعدة تشتكي - 00:02:26

ليل نهار. انت غرقان نعم. ربنا مغرقك من مفرق راسك لخمص قدميك. نعم واسبغ عليكم نعمه ظاهرة شايفها وما انتش شايفها طب زاهرة عشان اشوفها يا رب. وعشان الناس تشوف النعم فتقول الحمد لله. طب باطنة ليه؟ طب يا رب انت اديتني - 00:02:46

اعمل باطنة مليارات مليارات اضعاف النعم الظاهرة. النعم انت كل مل في جسمك فيه مليارات النعم. وانت لا تدري. انت عندك عضلة طولها واحد ملليمتر في ودانك عضلة صغنة. طولها مللي. عضلة اسمها استابدياس للي في كلية طب او دكتور العضلة دي وظيفتها ان - 00:03:06

الاصوات العالية المفاجأة اللي جنبك رنة المحمول فجأة. صوت منبه ضرب فجأة. كلاكس عربية ضرب فجأة. طفل يبيلعب جمبك وقام ضارب مسدس لعبة وظيفتها ان الطلقة دي لو العضلة الملي مش موجودة هتطعن في المخ هتدمر لك مخك. هتدمر لك دماغك. العضلة دي لو باصت - 00:03:26

الانسان بيصدر اربعين مرض منهم منهم الانهيار العصبي. منهم الاكتئاب والتوتر الحاد. منهم العزلة على نفسه ما يقدرش يعيش وسط المجتمع. ولا يسمع صوت. منهم نوبات الفزع المفاجأة. ده ضيق مللي واحد في جسمك. ملي انت جسمك - 00:03:46

كمل لي. انت جسمك فيه كم نعمة؟ انت ربنا مش بينعم عليك الوقتي. انت ربنا بينعم عليك من وانت حيوان منوي. من وانت نطفة في الرحم. انت جسمك ده من تسعين الف جزء كل جزء لو باز حياتك كلها تبوز. كل جزء لو باز وعاييز زراعة عضو مكانه شف انت هتدفع ايه ولا - 00:04:06

بتعمل ايه وما فيش حاجة بتعوض الحاجة الطبيعية. اللي ربنا اداها يعني تسع شهور كنت بتاخذ فيهم تسعين الف جزئية بيتكونوا

في جسم فكنا خد بالك انت كنت لسة ما صلتش ولا لسة صمت ولا لسة تصدقت ولا لسة حضرت خطبة جمعة ولا لسة طلعت منبر رسول الله تتكلم عن الله - [00:04:26](#)

ها ولا لسة امرت بمعروف ولا لسة انت كنت لسة ما عملتش حاجة. انت ما كنتش عملت حاجة تستاهل بها كل اللي ربنا بيده لك. ما كنتش عملت حاجة تستاهل بها - [00:04:46](#)

سمك وبصرك عشان لما تيجي النهاردة وتقول اقول يا رب ازاي؟ ده انا طلباتي كبيرة اوي. يا ابني كل احلامك وكل طموحاتك وكل في الحياة لا تساوي واحد في المليون من تمن سمك وبصرك. انت ربنا اداك اغلى من اي حاجة انت نفسك فيها. اطلب. اطلب من ربنا. الله - [00:04:56](#)

سيتعظمو شئ اعطاه. ربنا اداك اغلى من اي شئ ممكن تتخيله في الدنيا كلها. فلما تطلب من ربنا اعظم الرغبة. يعني كان كل شهر في تسع شهور ربنا بيديك عشر تلاف حاجة في جسمك. منهم من العشر تلاف دول مسلا العضلة الملي اللي لسة - [00:05:16](#) عنها من العشر تلاف حاجة دول غشاء الكلى العشرين نانو متر النانو ده جزء من مليون. عشرين نانو متر لو باز الانسان يصاب بالفشل الكلوي والفتر الغشاء بتاع الكلى ينزل البروتينات في البول وينزل المواد الاساسية في البول. وينزل مكونات الدم في البول والانسان - [00:05:36](#)

يصاب بالفشل الكلوي عشان عشرين نانو. عشرين جزء من المليون. هم سمك الغشاء بتاع الترشيح بتاع الكلى انت مش متخيل ربنا عمل لك ايه؟ ربنا وانت جنين كان بيديك خمسمية عضو في جسمك كل يوم. خمسميت جزئية. ربنا وانت جنين كان بيديك كل دقيقة - [00:05:56](#)

متين وخمسين مليون خلية عصبية. ربنا اداك كتير اوي. انت مش متخيل انت لو لو فكرت في نعم ربنا في حياتك انت هتصاب بالزهول. ازاي تسيه الزن بايه؟ ازاي ييجي لحزة ابتلاء لانه سحب نعمة واحدة بس هو يعني ايه ابتلاء؟ نعمة واحدة اتسحبت بس ازاي لحزة الابتلاء تسيه الزن به؟ ده هو ابتلاك - [00:06:16](#)

عشان ينهك. اصل انت عندك ملايين النعم ما انتاش حاسس بها. فلما ابتلاك في نعمة كان رسالة من ربنا بيقول لك فوق واعرف انا اديتك قد ايه قل الحمد لله. قل الحمد لله على اللي ادته لك وانا ارجع لك اللي راح. يا اخواننا نعمة الجنة. يعني ايه نعمة الجنة؟ الجنة دي زي واحد دخل علينا المسجد دلوقتي - [00:06:36](#)

قام مدي لكل واحد عشرة مليون دولار. تخيل كده! عشرة مليون دولار! عشرة مليون دولار! وقام قايل اللي هيقول لي شكرا! هاديك ميت مليون دولار. يعني يعني انت اللي هيقول لك شكرا على عشرة مليون دولار. اللي ما عملش فيهم حاجة اصلا ولا تعب عشان - [00:06:56](#)

هتدي له ميت مليار هو ده الجنة. ربنا اداك نعم نعم في جسمك وفي حياتك وفي عينيك وفي سمك انك جاي على رجلك الجامع انك انت الوقتي سامعني انك شايفني - [00:07:16](#)

انك انت انت غرقان. اللي هيقول شكرا بقى على النعم دي هدي له الجنة. عرضها السماوات والارض. ايه ده! ايه الجمال ده! ايه ده من اعظم نعم الحياة نعمة معرفة الله. نعمة معرفة جماله وحلمه وكرمه ورحمته. وبره واحسانه. معرفة الله هي السبب الوحيد للسعادة في - [00:07:26](#)

حياة معرفة الله هي السبب الوحيد للامل في الحياة. معرفة الله هي اعظم سبب للقوة النفسية في الحياة. نعمة انك من امة محمد عليه الصلاة والسلام امة مرحومة. امة الشفاعة يوم القيامة. امة حوز رسول الله. رفع درجات امة محمد فوق كل الامم. نعمة محمد عليه الصلاة - [00:07:46](#)

والسلام. نعمة الرسول لولا كنت هتبقى فحمة من فحم جهنم نعمة الاسلام انك انت من غيرها كان زمانك الوقتي قاعد تعبد فار ولا قاعد تعبد حسن ولا قاعد تعبد آآ بقرة وتترك ببولها والشكوك بتفرم نفسك. وعازي تنتحر لانك مش مش لاقى اجابات على اسئلة - [00:08:06](#)

في كتاب الدين بتاعك نعمة نعمة حلم الاب نعمة انك انت وانت بتبص للحرام ربنا ما اغضبش منك فممنع القوت والدم عن عينك

فاتعميت. انك انت وانت بتسمع الحرام ربنا ما اغضبش منك فممنع القوت عن ودك - [00:08:26](#)

فاتسميت انك وانت رايح مشوار حرام ربنا ما اغضبش منك فممنع القوت عن رجلحك فتشليت. نعمة الحلم انك انت زمان ايام ما كنت شاب عاصي وخاربها ربنا ما خدكش وموتك وانت عاصي. ما خدكش وانت مسافر آآ طالعة ساحل ولا طالعة معصية وانت -

[00:08:46](#)

رايح لو مت في اللحظة دي كانت بقت مصيبة. انه ما خدكش في اللحزات الوحشة في حياتك. انه ما خدكش في اللحزات السيئة في حياتك نعمة نعمة الاستغفار ان اسود مشكلة في الدنيا كلها هي الزنوب. الاستغفار هو الحل الوحيد للزنوب. ان ربنا اداك حل -

[00:09:06](#)

اخطر مشكلة ممكن تدمر دنيتك وقبرك واخرتك. نعم ربنا لا تحصي ولا تعد يا جماعة. لا يستطيع عبد ان الابتلاء نفسه نعمة الابتلاء ده من غير الابتلاء من غير المرض. لو لو يعني ثلاث تربع اللي قاعدين قدامي الوقتي اصلا اللي يدخلوا الجامع لا اما عايز عيل من ربنا -

[00:09:26](#)

ما خلفتش بقى لها ثلاث اربع سنين. يا عنده مرض وعايز ربنا يشفيه. يا طالب بيمتحن ومرعوب بالامتحانات. وعايز ربنا ينجحه. يا واحد عنده مشكلة في حياته يا واحد مش لاقى شغل يا واحد مش لاقى اكل يا واحد عنده مشايخ. لولا المشاكل ثلاث اربع اللي

قاعدين في الجامع واولهم انا ما كانش دخل الجامعة - [00:09:46](#)

اصلا الابتلاء ده مدرسة ربنا بيصنعك بها. الابتلاء ده ربنا يفوقك به لو خدت نعمة واحدة حياتك هيبقى شكلها ايه. طب خد بالك بقى انا انا خدت منك نعمة واحدة من ملايين النعم اللي ادتها لك عشان تبدأ تفوق ايه ده! ده احنا كنا غرقانين ومش حاسين يا رب. الحمد

لله نعمة العافية. نعمة - [00:10:06](#)

انت النهاردة ما انتش صاحي في معهد القلب بسبب قلبك. ولا انت نايم في مركز السرطان بسبب سرطان في عضو. ولا انت في مركز السكر بسبب مضاعفات السكر. ولا انت في مركز الكبد بسبب كبدك. ولا انت على جهاز غسيل كلوي مستمر بسبب كليتك. ولا انت على

- [00:10:26](#)

جهاز تنفس صناعي بسبب رئتك. ولا انت احمد ربنا. احمد ولا انت بتعلق على محاليل بسبب آآ امراض مزمنة عندك. احمد ربنا احمد ربنا على السلامة من اخطر الامراض في الدنيا. انت جسمك ده فيه الف مليار خلية. صاحي النهاردة سليم يعني ربنا مديك على

صباحية ربنا - [00:10:46](#)

كده الف مليار نعمة. فيه الاف الانواع من البكتيريا والفيروسات. انك انت ما عندكش لا ده ولا ده ولا ده ولا ده ولا ده ولا ده. تخيل لو كان ربنا

خلي قوة بصرك - [00:11:06](#)

انك تشوف الفيروسات والبكتيريا في الهواء. كان زمانك اترعبت اصلا. كان زمانك جنت من الرعب حتى وانت قاعد جوة بيتك. لو كان ربنا اداك قوة سمع لدرجة انك اسمع صوت النملة وصوت التفاعلات والالف مليار خلية اللي جوة جسمك وهم شغالين ليل نهار. كان

زمانك اتجنتت اصلا من من - [00:11:16](#)

الاصوات اللي انت بتسمعها نعمة ان ربنا جعل لك حدود. ان ربنا ما اذكش سمع فوق القوة دي. ولا اداك بصر انك انت متزبط لك ترموستان انك انت الكنترول بانل بتاعتك لوحة التحكم بتاعة امكانياتك. مزبوظة على مصلحتك. اقل من كده ما ينفعش -

[00:11:36](#)

اكثر من كده ما ينفعش. نعمة نعمة رحمة الله في خلقك. لو كان قلبك ده ما فيش غشاء حواليه كان كل نبضة بسبب احتكاك القلب في الاعضاء اللي حواليك بقت التهابات قاتلة من الالم. لو كانت رئتك دي ما لهاش غشاء حواليها. كان كل تمدد نفس كان بقى احتكاكات

والتهابات قاتلة من الالم - [00:11:56](#)

لو كانت عضلاتك ما فيش اغشية حواليها كان كل حركة انت في الخطوة الواحدة بمتين عضلة بيتحركوا. تخيل انت عشان كنت

تخطى خطوة كنت هتصرخ متين مرة من التهابات متين عضلة قاعدة تتحرك ليل نهار. انت احياناً بتمشي عشرين الف - [00:12:16](#)
خطوة وانت مش واخذ بالك. ثلاثين الف خطوة في اليوم وانت مش واخذ بالك. تخيل! ربنا رحمك قد ايه ؟ لو كانت رئتك اقل من

الحجم ده كنت مشيت تنهج - [00:12:36](#)

تنهج ليل نهار وانت نايم. لو كان كبدك اقل من الحجم ده كنت اتحركت من اوضة النوم للحمام في ساعة بين الكسل والهمدان. لو كان
اعضاء لو كان مخك اقل من الحجم ده كنت قعدت نص ساعة عشان تضرب ثلاثة في اثنين بكام ؟ انما تخيل نعم ربنا عليك في مخك.

رح - [00:12:46](#)

الامراض العصبية. شف اللي جا له مشكلة مرض في مركز ترجمة الترجمة في المخ. يعني انت دلوقتي انا عايز اتكلم انا عايز اقول لكم
ربنا انعم علينا كثير. فالمعنى ده جه جوايا. ففيه اوردر لمركز الترجمة في المخ انا عايز اقول ربنا انعم. يقوم مركز الترجمة في -

[00:13:06](#)

مخي يترجم اللي انا عايز اقله في كلام يقوم الكلام يصدر الاوامر للرئة للهوى للاحبال الصوتية لعضلات الحلق لعضلات القفص
الصدري للحجاب الحاجز لعضلات البطن. انت مش متخيل النطق ده. النطق ده معجزة مسل ما انكم تنطقون. النطق ده معجزة اصلا -

[00:13:26](#)

مراكز المخ بتاعة النطق طلعي كذا كذا كذا. قلبي مركز الترجمة ده لو باز. تعال شف العيان اللي باز عليه ماركة اللي باز عنده مركز ده
بتاع الترجمة. عايز يقول ومش عارف ببليخ بيسموا كلام صلب. كلامه بقى سلطة. سلطة. ما هوش عارف هو بيقول ايه - [00:13:46](#)

نفسه نفسه يقول لابنه عايز كوباية مية مش عارف. نفسه يقول لمراته تعالي اقعدي جنبني شوية مش عارف. سلطة ما فيش ده ده
عشان نقطة في المخ ده لو انت عرفت مئات المراكز اللي فيه ونعمة ربنا عليك فيها هتقعد ساجد ليوم القيامة. على المخ بس! مركز

الشهوة الجنسية - [00:14:06](#)

وباز هيبقى ملكة جمال العالم عندك زي زي عمود المسجد ده. وتقول مشكلة الشهوة. ده الشهوة دي نعمة. ده الموت ده نعمة. واحد
يقول لك انا انا نفسي اكل ومش لاقى. نفسي نفسي في اكل الكباب وما عيش فلوس. عارف كلمة نفسي دي. نفسي اتجوز ومش

عارف. نفسي في اكلة ومش عارف. نفسي اركب عربية - [00:14:26](#)

عارف نعمة الموت ده ان عندك موت. ان عندك مزاج. ان نفسك في حاجة. رح لمريض اكتئاب حاد. قل له انت نفسك في ايه ؟ يقول
لك نفسي في يبقى نفسي في حاجة. الاكتئاب هو فقد المزاج. هو فقد الموت. هو انك ما عايش لك نفس في حاجة - [00:14:46](#)

ما فيش حاجة عاد لها قيمة عندك. احساس قاتل. نسأل الله العافية. لنا ولمرضى المسلمين اجمعين. استاز رهيب ان لك مزاج في
حاجة ومش عارف تجيبها دي نعمة في حد ذاتها كل حاجة نعمة جهنم جهنم ويوم القيامة اللي انت تقرا اخباره في القرآن تترعب

وقلبك يقف نعمة لولا جهنم ويوم القيامة - [00:15:06](#)

ما كانش زالم تورع انه يفرمك. ما كانش واحد تورع انه يسرقك. ما كانش واحد تورع انه يزني مع حرمت يوم القيامة والنار دي هي
اللي ماسكة عنك ان الدنيا دي تبقى غابة من الوحوش. هو اللي ما بيعملش اللي ما بينهبش ما بينهمش ليه ؟ واللي ما بيسرقش ما -

[00:15:26](#)

ليه ؟ واللي ما بيقتلش ما بيقتلش خايف من ربنا. يعني الاجرام اللي في الدنيا ده لان فيه ناس مش خايفة. تخيل بقى لو الناس كلها
مش خايفة كنا بقينا غابة - [00:15:46](#)

خلاص اللي يقدر ينهبش ينهبش. اللي يقدر يبلع غيره يبلع. نعم الاحساس بالالم. الله! انا باحس بالالم. انا اه يا ايدي! اه يا رجلي! مش
قادر زهري! انا عندي ديسك. احساس بالالم ده. انت عارف لو الاحساس بالالم ده غاب من حياتك يحصل ايه ؟ كانت مراتك وهي

قاعدة مسلا بتطبخ اكلة على النار على البوتاجاز كده. النار تمسك في ايديها - [00:15:56](#)

حسش انت اللي تشم ريحة شياط اللحم من برة تجري تقول لها فيه ايه ؟ الاحساس بالالم ده له لا. كان الانسان جسمه يتدمر قبل ما
يفهم انه حط ايده على حاجة سخنة ولا ان فيه نار لبسته ولا ان فيه حاجة احساس كل حاجة نعمة من الله سبحانه وتعالى. ما فيش

حاجة مش نعمة ما فيش حاجة - 00:16:16

واللي ربنا منعه عنك نعمة لا تقبل في القوة عن اللي ربنا اداه لك. يعني ربنا فيه حاجات نعمة المنع حرمانا اعليه المراضع. لو ربنا ما كانش حرم عليه المراضع. كانت باب مصيبة. لا كان راح قصر فرعون. ولا كانت امه مرضعته في قصر فرعون. ولا كانت ربي في

المدينة بتاعة المصريين - 00:16:36

ولا ولا ولا كل السيناريو اللي بعد كده كان باز. حرمانا عليه المرارة جنين مش عارف يرضع. يا عيني! يا عينك انت مش عارف المانع ده

فيه عطاء قد ايه - 00:16:56

يا اخوانا نعمة الابتلاء. راجل مصري زمان دخل السجن اتزلم ودخل السجن. دخل السجن اترمي في السجن وبعد كده اتحكم عليه

بالصلب. يصلب فتأكل الطير من رأسه. قابل واحد في السجن اسمه يوسف - 00:17:06

الصديق بيقول له الرؤية بتاعته يوسف الصديق ده عن التوحيد الراجل ده دخل السجن زلم وبعد كده صلب واكلت الطير من رأسه

الراجل ده فين النعمة هنا؟ الراجل ده مات صحابي - 00:17:22

الراجل ده لولا انه دخل هذا السجن ما مات صحابيا. من صحابة الانبياء من خير من مشى على وجه الارض بعد الانبياء. مين قال لك ان في حاجة وحشة. وله الحمد في الآخرة. الكافر بيدخل جهنم وهو بيقول الحمد لله. وهو يثني على الله. لما الناس بتعرف حكمة كل

حاجة يوم القيامة. بتعرف ان - 00:17:38

لولا الابتلاءات اللي انت ابتليت بها دي انت لا كنت تبت. ولا كنت انشطت في الدين ولا كنت فقت لنعم ربنا عليك. الابتلاء ده بيغيرك.

بيقلبك بني ادم جديد. لانك عايز - 00:17:58

ربنا يفرجه فبتروح لربنا فبتبدأ تصلح من نفسك عشان ربنا يستجيب دعائك فتتغير يقوم ربنا يرفع عنك الابتلاء فرج الكرب تقوم

تتغير فتكسب كل حاجة. كل حاجة الواحد كان زمان فيه ابتلاءات كان بينه وبين ربنا ليه يا رب؟ ليه يا رب - 00:18:08

طب دلوقتي والله الواحد كاتبها في ورق عشان كل ما يقعد يحمد ربنا يبص للابتلاءات دي على انها من اعظم نعم ربنا على انسان في حياته لولاها ما كان الواحد الوقتي على منبر رسول الله يتكلم عن الله. انت ما انتاش عارف الابتلاء ده ربنا بيصنعك به. ازاى ؟ نعمة

المواساة - 00:18:28

يعني ايه نعمة المواساة؟ ان ربنا لما ببيتلي مش بتتقفل. ما فيش تقفيل يعني ايه ؟ يعني زي عروة ابن الزبير لما راح يسافر للشام عشان يقابل الخليفة وهو طالع آآ من الحجاز للشام ابن من اولاده ماتوا. ولد من اولاده ماتوا ورجلي اتقطعت. فقال اللهم انك اعطيتني

- 00:18:48

سبعة من البنين فاخذت واحدا وابقيت لي ست واعطيتني اربع اطراف فاخذت طرفا وابقيت لي ثلاث لك الحمد نعمة الموافاة. ان ربنا

لما بياخد بيسيب لك اكثر من ما خد عشان يفضل فيه نعم ربنا يجبر خاطرك بها. ربنا افكر افكر حاجات كتير - 00:19:08

اوي. هو انت دخلت المسجد ازاى ؟ اول مرة دخلت المسجد ازاى ؟ هو انت ايه اللي قعدك الوقتي ؟ وانت بتسمع لربنا سبحانه

وتعالى. انت في قصص كتير اوي في حياتك انت اللي مش مركز - 00:19:28

دي اسمها النعم الخاصة ربنا صنعك ازاى ؟ ربنا رتب لك ازاى ؟ انت ازاى تبت؟ دي قصة بس انت اللي مش واخذ بالك. انت ازيك انت

ازاي اتعلمت دين؟ انت ازاي حفزت قرآن؟ اول درس حضرته كان قصته ايه؟ اول عمرة سافرتها. فاكروا قصة اللي كانت وراها؟ اول

اعتكاف اعتكفت وفاكر - 00:19:38

القصة اللي كانت وراه. فاكروا كل مرة ربنا بعث لك حاجة سلمها تطلعك. المرة اللي ربنا بعث لك فيها داعية يوعظك ويسخنك في الدين

ده دي نعمة. المرة اللي ربنا بعث لك مربى يوجهك. المرة اللي ربنا بعث لك صحبة سالحة تسندك. المرة اللي ربنا بعث لك محفظ قرآن

يحفظك. المرة اللي ربنا - 00:19:58

فبعث لك واحد ينصحك كل دي سالام ربنا طلعتك عليها. بس انت اللي ما كنتش مركز مع ربنا. كانت يد الله بترسم لك طريقك خطوة

خطوة. بس انت اللي ما - 00:20:18

ما كنتش مركز مع ربنا. ازاي ربنا صنعك؟ ازاي ربنا يرتب لك؟ ازاي ربنا ميزك؟ ميزك في شخصيتك. ميزك في كليتك ميزك في مهنتك. ميزك في رزقك. ميزك في زكائك. ميزك بمواهب مش موجودة عند حد غيرك. ازاي؟ 00:20:28 نعمة الاصطفاء - نعمة الاصطفاء من النعم الموهلة اللي ما حدش واخذ باله منها. فيه ستة مليار كافر على وجه الارض. انت طلعت مسلم ازاي ده نعمة اصطفاء. الصدق المليار ونص مسلم ثلاث ترباعهم ما بيصلوش. انت ايه اللي دخلك الجامع؟ بتصلي وفي الجامع كمان! الناس اللي بتصلي - 00:20:48

في الجامع في ناس منها بيصلي وخلص وما عندوش فكر التزام بيخرج على الدنيا وخلص انما بيصلي لما ربنا بيناديته. انت ايه اللي خلاك من اهل السنة والجماعة؟ وعندك فكرة - 00:21:06

تدين وعندك انت مصطفى من الله سبحانه وتعالى. ثم اورث الكتاب الزين اصطفينا من عبادنا. انت مصطفى من الله بس انت مش واخذ بالك. ربنا عمل لك ايه وربنا رتب لك حياتك قد ايه. نعمة التوفيق. التوفيق كل جلسة ضحى قعدتها. كل ركعتين ربنا اداهم لك في يوم من الايام في قيام ليل - 00:21:16

كل مرة ربنا اداك رزق انك ترفع ايدك وتقول يا رب وتدعي. كل تراويح صليتك. كل ده توفيق. توفيق. كل مرة اتكلمت فيها عن ربنا. كل مرة عملت فيها الخير ولا رحت قافلة خيرية؟ كل كل مرة دخلت سرور على قلب انسان. التوفيق. نعمة الونس. انت عشت طول عمرك وسط اب وام واخوات - 00:21:36

مات وجيران انت انت جربت اللي ما خدش النعم دي. مرة زرت ملجأ من الملاجئ الاطفال اللي فيه لهم اب ولهم ام بس هم مش عارفين هم مين. يعني هم اتولدوا ومش عارفين هم مين ، هو مش عارف هو جه الملجأ ليه ؟ يعني السبب ايه ؟ هو مش فاهم حد سرقه - 00:21:56

لامه وابوه وبعد كده آآ رمى مسلا لما خاف يتكشف فهو راح ملجأ هو مش فاهم السبب ايه. مرة كنت قاعد مع مدير الملجأ فبقول له نعمل ايه للاطفال الاطفال دول ولا حزت ان هم عندهم شوق رهيب انهم يعرفوا مين ابويا ومين امي. يعني الاطفال حتى يقعدوا يدوروا طب انا يوم ما لاقوني لاقوني فين؟ لاقوني في جامع ايه - 00:22:13

طب ينفع ارواح ادور هناك يمكن الاقي ابويا انا عارف انه انسان وحش. وعارف انه معنى انه ما دورش علي معنى واحد بس انا نفسي اعرف مين ابويا. مين ده كلامهم ده مش كلامي ده كلامهم - 00:22:33

فبكلم مدير المركز راجل عاقل قال لي بص يا ابني قال لي ايه اجمل نعمة ربنا خلقها في الوجود؟ الجنة؟ قال لي لو انت جبت للاولاد دول الجنة ان في الدنيا مش هتعوضهم عن الشوق انهم يعرفوا. مين ابويا ومين امي؟ ان لك اب ولك ام. لك اب في يعني واحدة فاضلة كانت راحت ملجأ - 00:22:43

هناك فبتقول لزوجتي بتقول لها طفل نونه كده يعني سنتين ثلاثة حاجة كده يعني بتقول فضل يمد لي ايده وانا مش قادرة ريحة التغيير بتاعته يعني ما حدش مغير له كويس بتقول الريحة صعبة جدا. بتقول في الاخر صعبة علي. بتقول اول ما حطيته على كتفي حط راسه ونام في لحظة - 00:23:03

في حضن انت كم مرة نمت في حضن امك وابوك؟ انت كم مرة ربنا ونسك في الدنيا؟ وانت مش واخذ بالك. انت ربنا ملا حياتك ونس فيه ناس عايشة في وحشة. فيه ناس عايشة في وحدة، نعمة التفضيل - 00:23:23

التفضيل انا مش عارف اكمل كلام في نعمة عشان كل ما باجي ادخل في نعمة بافتكر ميت نعمة تانية نعمة التفضيل. انت لو انت عندك اوضة على سطح ساكن فيها - 00:23:37

وعندك هدوم ستر عورتك. وعندك لقمة وش حطة جبنة في البيت تتعشى بها انت افضل من خمسة وسبعين في المية من سكان الكرة الارضية. خمسة وسبعين في المية من سكان الكرة الارضية ما عندوش الثلاثة دول مع بعض. انت انت لو عندك خمسمية جنيه حاططهم - 00:23:47

مش هقول لك بقى آآ مليون جنيه في البنك ولا مية الف جنيه في لو عندك خمسمية جنيه حاططهم على جنب عشان لو جت فاتورة

كهربا ولا مية ولا اي حاجة انت اغنى - 00:24:07

اتنين وتسعين في المية من سكان الكرة الارضية. اتنين وتسعين في المية من سكان الكرة الارضية لا يستطيع ان يدخر مليم واحد. فوق قوت يومه. انت انت ربنا مفضلك على ناس كتير اوي. زي ما النبي عليه الصلاة والسلام كان يقول الحمد لله الذي كفانا واوانا واطعمنا وسقانا فكم ممن لا كافي له ولا مؤي. فيه ناس - 00:24:17

انت ربنا مفضلك على ناس كتير اوي. الامن في الوطن لو انت ماشي في الشارع مش خايف ان قنبلة تقع عليك. ولا خايف ان صاروخ يتضرب فيك ولا خايف ان عصابة تخطفك خطف قصري - 00:24:37

انت من خمسمية مليون واحد محزوزين على وجه الارض ان هم عايشين امنين في اوطانهم. نعمة الامن في الوطن. نعم لا تعد ولا تحصى نعمة سلامة الابناء اللي متجوز كنت مرة في المستشفى لقيت ام شايلة ابنها وداخله تدي له جلسات اشعاع على النخاع الشوكي. بتكلم كده يعني في في الحلقة - 00:24:47

بتاعة ابنها قالت لي ابني عنده سرطان في المخ عامل ثلاث عمليات جراحية في المخ لحد دلوقتي. والوقت بياخد انت اخبار ولادك ايه؟ اللي متجوزين اخبار ولادهم ايه؟ ايه المشاكل الصحية اللي عند عيالك؟ اللي منيماك وزعلان طب يا رب الابتلاء ده ليه يا رب؟ انت ربنا عملك كتير اوي. كبداك ده حنة حنة لحمة بتكون من - 00:25:08

تلتमित مليار خلية بتؤدي خمسميت وزيفة في جسمك. حنة اللحم ده ايه؟ اهي اللي في الجنب اليمين تحت الرئة ده ايه؟ حنة اللحم دي لو بازت تصاب بالجنون والشلل في خلال ايام. الجنون لانه بيصفي الدم من السموم. فالسموم هتقوم طالعة على المخ لانها ما تصفتش. المخ بيتجنن والعياذ بالله - 00:25:28

والشلل لان الكبد ده اللي بينشط لك جسمك اصلا. ويبخلك نسيط. ولو الكبد ده اتشال من جسمك ثلاث ساعات بس تموت فورا. نعم لا تعد ولا تحصى نعم التيسير الحياة. ان ربنا ييسر لك حياتك. يسر لك امرك في الحياة. من غير المفصل بتاع الكوع ده. حاول تاكل كده. يعني انا عايز اشرب الماية - 00:25:48

كده انا عايز اشرب الماية دي. تخيل ان ما فيش مفصل كوع. اهو. مديت ايدي. طيب انا عايز اشرب. ما فيش. مش نافعة اصلا. امال الحل ان انا اوتي زي الانعام عشان اكل واشرب - 00:26:08

طب لو ما فيش مفصل رقبة. يعني انت بتكلمني يا جماعة اتقوا الله. يا اخوانا اتقوا الله وانا واقف جسمي زي ما هو بس رقبتي بتلف. لو ما فيش المفصل ده هتبقى الواحد عامل زي الواحد خشب - 00:26:20

لازم يلف مية وتمانين درجة عشان يقف يتكلم. لو ما فيش مفصل الوسط ده ما تعرفش توطي. يبقى البني ادم عايش زي اللوح كده مش عارف لو ما فيش مفصل انت ربنا - 00:26:31

يسهل لك الدنيا اوي ويسهل لك الحياة. وعلى فكرة اللي انا باقوله ده لا شيء في نعم الله سبحانه وتعالى ما شئت المهمة المستحيلة اللي في الدنيا انت لو عرفت تعدي نجوم السما وتعد ورق الشجر وتعد حبات رمال - 00:26:41

الصحراء مش هتقدر تعد نعمه. ومش هتقدر تفحص في كل نعمة من نعم الله. وما تركت اضعاف اضعاف ما قلت في نعم الله سبحانه وتعالى. احمدا ربنا. خلي كلمة الحمد لله صاحبك. عش مع الحمد. عش مع كلمة الحمد لله دائما - 00:26:57

الحمد لله تملأ الميزان. كلمة الحمد لله الواحدة تخلص لك مشكلة الميزان يوم القيامة الحمد لله دي سر الاصطفاء. افضل العباد عند الله الحمدادون. يعني ربنا بيصطفي الدنيا واخرة على قد حمدك. كل ما تحمد ربنا تحشر - 00:27:17

تحت لواء الحمد بتاع النبي عليه الصلاة والسلام. يبقى صحبة النبي في الاخرة. بسبب الحمد. الحمد من اسباب اجابة الدعاء. سمع الله اي استجاب وقبل لمن حمده. فالحمد من اسباب اجابة الدعاء. الحمد من اسباب زيادة النعم. افضل الدعاء الحمد لله. فانت لما بتقول الحمد لله ربنا بيزودك - 00:27:32

نعم الحمد من اسباب مباهاة الله لملائكة الملائكة على بك. لما الصحابة قاعدين يحمداوا الله على نعمة الاسلام. النبي عليه الصلاة قال لهم ان الله يباهي بكم الملائكة. الحمد ده سرورة وكنز. ربنا اداه لك. عشان كده احسن واحد فينا حالا اللي طول ما انا باتكلم عن النعم -

ما بطلش طول الخطبة كلمة الحمد لله. الحمد لله وكفى وصلاة وسلاما على عباده الذين اصطفى. اللهم لك الحمد كله ولك الملك كله. وببيدك الخير كله واليك يرجع الامر كله. اللهم صل - 00:28:12

على عبدك ونبيك محمد صلى الله عليه وسلم. عدد خلقك ورضا نفسك. وزنة عرشك ومداد كلماتك. اما بعد. تخيل شاب زي شباب كثير من اللي قاعد دلوقتي كده اتخرج من الكلية ويا عيني انصف زيرو. يعني فيه ناس آآ محدودي الدخل وفيه ناس مهدودي الدخل وفيه ناس مسدودي الدخل - 00:28:28

ده باب المسدود الداخل وقال له ما فيش اصلا. ما فيش والدنيا قدامه سودة هتجوز منين وهسكن فين وهعمل ايه؟ قام جاي راجل اعمال من اهل البر والاحسان. قال له تعال يا ابني انا هديك - 00:28:48

شقة تمليك. لأ هديك كمان فيلا في كومباوند من الكومباوندات الكبيرة الراقية. وخد العربية دي يا ابني في حياتك. وده مشروع انا وهبته لك عشان تبقى ودي فلوس وشبكة عشان لما تتجوز احسن عروسة الراجل ده فضله على الشاب ده قد ايه. الراجل ده حياة. الراجل ده انقزه - 00:28:58

الراجل ده عمل له حاجة من ابوه ما عملهاوش. الراجل ده عمل له اللي نقعد نكتب كده في الكتب كده هو ده هو ايه ده ايه الكرم ده هو الفيلا دي احسن عندك ولا عينيك؟ تبيع عينيك بفيلا؟ تبيع عينيك بعشر تبيع عينيك بكمباوند بيغري هيلز كله من اوله لاخره - 00:29:18

تبيع عينيك بقصر في الريفييرا تبيع طب هو الشبكة والفلوس اللي اداها له والمشروع اغلى ولا كبدا تبيع كبدا بمشروع ولا انت اللي ربنا اداه لك مليارات اضعاف اللي الراجل ده عمله للشباب ده. مش حاسس باللي ربنا عمله لك ليه؟ وفي الاخر - 00:29:39

اخر يعني سبحان الله العزيز الابن ابوي ربنا يرزق الاب بتلتميت ربعميت جنيه يروح يجيب له اكلة حلوة ابويا ربنا وهو ناسي ان ربنا قلب له الكون عشان الاكلة دي. عشان شوية الرز اللي انت بتاكلهم دول. ربنا غير لك سنن الشمس والقمر والرياح والسحب والبحار - 00:29:59

والزواهر الكونية والتربة والزراعة والامتزاز والبناء الضوئي. عشان رغييف العيش اللي انت بتاكله. احنا احنا ناسيين ربنا عمل لنا ايه؟ تخيل ابني سافر في الغربة وقعد سنين لا بيتصل بابوه ولا بيعبر بابوه ولا بيطن على ابوه. فالابن نزل رجع البلد تاني وخلاص نسبوه خالص - 00:30:19

وايه وراح شاف شقة بقى بالفلوس بتاعة الغربة فابوه مرة ماشي في الشارع وهيتجنن على ابنه لقي الولد ماشي في الشارع فابوه بيقول له ابني ده انت جيت وما قتلش يقول له هو انت مين؟ انا انا نسيت انت نسيت انا مين؟ انت نسيت انا عملت لك ايه؟ جريمة الابن - 00:30:39

اذا لا شيء في جريمة اللي بينسى ربنا في الدنيا. في اللي بينسى انه يقول الحمل لان اللي ربنا عمله لك ابوك وامك دول قطرة من من سحار حنان الله عليك. اللي ابوك وامك عملوا لك ده قطرة. ابوك وامك ما ادوكش شمس ولا ادوك قمر ولا ادوك ليل ولا ادوك نهار ولا ادوك سمع ولا ادوك بصر - 00:30:59

مرة زرت شاب من الشباب عنده ورم في المخ في مركز السمع والبصر فلا عاد بيسمع ولا عاد بيشوف. شاب صغير يعني قد معظم اللي في المسجد دلوقتي كنا بنتكلم معه بكتابة الكلام حرف حرف على ظهر ايده. يعني عايزين نقول له بنحك نكتب به. وبعد كده نون وبعد كده حاء وبعد كده باء - 00:31:19

اوعى كده الكاف يقوم يحز راسه كده يعني ايه انا كمان بحبكم. شاب عنده ورم في المخ خلاه لا بيسمع ولا بيشوف. نعمة السمع والبصر نعمة اخطر عسكري المرور في التاريخ لسان المزمار اللي من غيره كنت مت من الشرقان مع اول رضة رضعها وانت لسة مولود. او كنت اتقتلت وانت بتشرب بق مية - 00:31:40

نعمة زي نعمة دي. فكرت فيها؟ فكرت في نعمة الخمستاشر مليون جهاز تكييف اللي في جلدك اللي هم الغدد العرقية. انت جسمك

بيطلع حرارة كل نص ساعة تكفي الغالي اتنين كيلو لبن على النار. اتنين كيلو لبن يغلوا على النار لو خدنا الحرارة اللي طالعة

بالالف مليار خلية اللي في جسمك كله - 00:32:00

حمدت ربنا هتحمده على ايه ولا على ايه؟ ايه اللي انت انت لو حملت ايه؟ مستحيل انك تحمد ربنا. ده انت كلك دي بتفلتر يوميا الف وتمنيت لتر دم في جسمك. يعني جسم دمك ده بيتفلتر تلتمية وستين مرة. وانت قاعد ما انتاش حاسس بحاجة. ما انتاش

حاسس انت قلبك بيضخ الدم لجسمك - 00:32:20

ميت الف مرة للالف مليار خلية يوميا. لو نقطة واحدة منهم اتجلطت. يا هيجي للانسان شلل نصفي. يا يا يجي له سكتة دماغية. يا تجي له ازمة قلبية يا يجي له والعياذ بالله يا يجي له شلل في طرف من الاطراف. شبكة الاوعية الدموية اللي تتلف حوالين الكرة

الارضية من عند خط الاستواء اربع مرات - 00:32:40

طولها اللي جوة جسمك انت. انت لو ربنا كان اداك تمنها بالمتري. نقطة الدم الواحدة في جسمك. كل نقطة كل دم في جسمك فيه

خمسة مليار كرة دم حمرا اللي هم شيالين الاكسجين. اللي ليل نهار من من الرئة للجسم من - 00:33:00

الرئة للجسم. كل كرة دم شايلة شوية اكسجين والا لو الكرات الدم الحمراء ديت راحت انت تتخفق فورا. الناس فاكدة ان الاختناق ان ما ما فيش هوا في رئتي الاختناق ان كرات الدم الحمرا ما عادتش عارفة توصل الاكسجين من الرئة لخلايا الجسم. كل نقطة دم كل

ميل دم فيه نص مليار صفيحة - 00:33:20

دموية والا لو دبوس دخل في صابعك هتنزف دمك كله في خلال اسبوع من غير ما الدم يقف اهو الدم بيقف ازاى. عشان النص مليار صفحات ابو والد كل اللي في كل ميل. كل مل في دمك فيه عشرة مليون كرة دم بيضا. عسكري كدهو. قوات امن مركزي في كل مللي

عشان الف - 00:33:40

في البكتيريا والفيروسات ما تدمركش حياتك. كنت هتعيش ازاى من غير جهاز المناعة؟ جهاز المناعة ده منات الانواع من السرطان.

كانت هتملا جسمك الناس فاكدة ان جهاز عشان الميكروبات بس والفيروسات والبكتيريا. جهاز المناعة اخطر وزيفتين له. حماية

الجسم من البكتيريا والفيروسات والوزيفة الثانية الرهيبة حماية الجسم - 00:34:00

السرطان عشان كده الوقتي اخطر مستقبل للسرطان في الابحاث العلمية هو كيفية استسارة جهاز المناعة عند مريض السرطان والجهاز المناعي هو اللي يقتل السرطان. لو نشط عم يقوي عليه. فجهاز المناعة ده انت مش متخيل من غيره. كان الجسم اتملى

سرطانات قد ايه؟ في كل مللي في جسمك. في كل - 00:34:20

كل سنتي في جسمك في كل حنة في جسمك. انت لو وقعت في زنقة اضطريت انك انت تقعد انت ومراتك واولادك عند حد من

جيرانك فجاب لك الفطار ففطرت هتروح فين؟ ما عندكش اصلا. جيب لك الغدا اتغديت. جاب لك العشاء تاني يوم انت تالت يوم

لحم وشك هيقع من الخجل. انا تقيل - 00:34:40

انا ما اتطقش انا ايه اللي انا باعمله ده! انا انا انا انا بقى لي شهر بافطر واتغدى واتعشى وانام. انا وانت ربنا منك دماغك مأكلك

ومفطرك ومغديك ومعشيك. طول حياتك ما بتتكشفش منه ليه؟ ما بتخجلش منه ليه؟ ده لو واحد قال لك الساعة كم بتقول له شكرا

- 00:35:00

ربنا اللي يتقال له عاجز عن الشكر. يا رب كيف اشكرك؟ وشكري لك نعمة تستحق الشكر. سيدنا داود يا رب كيف اشكرك وفي كل شعر

من جسدي لك فيها نعمتان. ام لين ان اخفيت اصلها ولينت رأسها. والا كان الشعر ان شعرك ده ما فيش فيه احساس - 00:35:20

والا كنت كل ما تيجي تحلق مش هتحلق عند الحلاق. هتروح آآ قسم الجراحة في مستشفى الجامعة تحلق يدوك بنج كلي عشان

شعرك. لان كان تخيل بقى الف الشعر ده وهو بيتشال ومع كل شعرة بتصوت. مين اللي رتبها لك كده؟ لو كانت شفايفك مش موجودة

- 00:35:40

ولعابك ماشي سايل وسنانك منظرها زي وحوش افلام الرعب كده. لو كانت حواجبك مش موجودة ومنزرك زي شخصية هامان

في الافلام بتاعة زمان. اما يجيبوه شكله مربع كده ومن غير بتاع. لو كان لو كان ما لكش جفون وعينيك زي عنين الضفدعة كده.

مين اللي جملك؟ ومين اللي حلاك؟ ومين اللي - 00:36:00

ومين وعمل لك كل ده ليه؟ وفين الفواتير بتاعة النعم؟ فين حق ربنا؟ فين حق ربنا عليك؟ وتقصاد النعم دي كلها عملت ايه؟ افلا اكون عبدا شكورا؟ اعملوا ال داوود شكرا. وقليل من عبادي الشكور. وازاي تاخذ النعم دي وتعصي بها؟ ازاي - 00:36:20

لو اب جاب لابنه عربية جديدة صرف عليها مليون جنيه. الواد اول مرة نزل بالعربية والواد طايش قام خابط العربية هيكلف ابوه يجي ميت الف جنيه في تصليحها. اول حاجة بقى هيعملها ايه؟ هات العربية. هات المفاتيح وهات العربية. انت بقى انت ما

تستاهلش العربية دي. انت باديك العربية تعمل لي بها حادثة بسبب استهتارك. انت - 00:36:40

عملت كم حادثة بعينيك؟ اتفرجت على كم حاجة حرام على السوشيال ميديا وكم منزر حرام في الشارع بعينيك؟ وربنا ما خدتش عينيك منك. انت عملت كم حادثة بودانك وسمعت كم - 00:37:00

كليب حرام وربنا ما خدش ودانك. انت مشيت برجليك كم مرة للحرام؟ انت وربنا ما خدش رجلك. انت ربنا سبحانه وتعالى ربنا كارمك اوي وحالم عليك اوي ومديك اوي اما يبجي اقعد فكر بقى في نهاية الخطبة كيف عاملك الله وكيف تتعامل مع الله؟ ده انت

اول ما بيحصل لك مشكلة سوء الزن. وربنا عمل فيها كده ليه؟ انت انت مش - 00:37:10

انت مش فاكربس ربنا عمل لك ايه؟ انت مش متخيل بس ربنا عمل معك ايه؟ وربنا اكرمك قد ايه؟ هتتعامل معه ازاي؟ هتدي حق النعم ده ازاي - 00:37:33

اوعى بقى بعد كده تروح تقوم لك ليلتين. ده انا عبت! يا عم اللي انت عملته ده لا شيء في اللي ربنا عمله لك. ويجي لك واحد يقول لك يقول لك انا - 00:37:43

انا واقع في زنقة. طب قل يا رب ما استاهلش ان ربنا يفرج كربى. يا راجل! يا عم بطل نصب! هو انت في بطن والدتك كنت تستاهل! التسعين الف حنة في جسمك اللي اداهم لك! هو انت كنت تستاهل! كنت بتقوم الليل في بطن والدتك! وكنت بتصوم كل اتنين

وخميس! ربنا مش بيديك لانك تستاهل! ربنا بيديك لانه - 00:37:53

كريم لانه المنعم لانه الحميد سبحانه وتعالى. يبجي واحد يقول لك انا عملت كثير. انا مكسوف ان انا صالح. ربنا وارجع. يا عم انت مش عارف انت بتتعامل مع مين؟ ده انت لو عرفت نعمه قلبك هيدوب في حب الله. والشوق انك تقابله اذا كان كل ده اداه لك من

غير ما تصلي ولا تسجد ولا تعمل. اومال لو سجدت - 00:38:13

انت هيديك ايه؟ اعبد. انت بتعبد اكرم الاكرمين. انت بتعبد ارحم الراحمين. انت بتعبد خير الرازقين. انت بتعبد خير الغافرين. انت بتعبد رب العرش العظيم. اعبد. كل ما هتعبد هيديك. كل ما هتعبد هيكرمك. كل ما تعبد هيزودك - 00:38:33

احمد ربنا. اعبدوا لان ربنا كريم اوي. اكرم معاملة في الوجود هي معاملة ربنا للي بيقبل عليه. ويبضحي عشانه ويبسيب شهواته عشانه. ويبجد التوبة معك كل ما يقع. ما تياأسش من رحمته. لانه مغرقك بها. ولما بتعصي ما بيمنعهاش عنك. قم وتب. ما تياأسش

وما تخليش الشيطان يياأسك. من رحمة الله سبحانه - 00:38:53

تعالوا ويخليك تسيء الزن بالله سبحانه وتعالى النعم مدرسة. ما تبطلش كلمة الحمد لله ابدًا. على قد ما تقدر. تعرف انك انت تجيب ورقة نعم ولا تجيب اي في درس عن النعم والله يخض عنها واقعد احمد ربنا كده. اقعد جلسة ضحى بحمد الله. قم الليل النهاردة

بكلمة الحمد لله. اقعد ساعة الاجابة النهاردة اللي بين العصر والمغرب في مكان - 00:39:13

بكلمة الحمد لله. ولا تنسوا اخواني في الله. آآ كنوز يوم الجمعة قراءة سورة الكهف عشان ربنا ينور لك طريقك لحد الاسبوع اللي جاي بقراءة ببركة قراءة سورة الكهف. ما تنسوش كثرة الصلاة على رسول الله. عشان النبي يعرفك بالاسم لان الملائكة يوم الجمعة بتبلغه

ان فلان بالاسم صلى عليه عليه الصلاة - 00:39:33

سلام. تقابلوا يوم القيامة تلاقيه عارفك. ما تنسوش ساعة الاجابة اللي قبل مغرب الجمعة. ما تضيعوش الكنوز دي. يوم الجمعة مليء بالكنوز ومليء بالثروات ومليء خطوات عشان كده ربنا جعله عيد لنا فلا تنسوا هذه الاعياد. اللهم اهدنا وسدنا. اللهم لك الحمد كله.

اللهم انا اصبحنا نشهدك ونشهد حملة عرشك - 00:39:53

وملائكتك وجميع خلقك انك انت الله. لا اله الا انت وحدك لا شريك لك. فلك الحمد ولك الشكر. اللهم ما اصبحت بنا من نعمة او باحد من خلقك فممنك وحدك لا شريك لك فلك الحمد ولك الشكر. رضيينا بالله ربنا وبالاسلام ديننا وبمحمد نبينا. اللهم انا اصبحتنا منك - [00:40:13](#) في نعمة وعافية وستر فاتم علينا نعمتك وعافيتك وسترك في الدنيا والاخرة. اللهم انا نسألك اليقين والعافية. اللهم انا نسألك العافية في الدنيا والاخرة. اللهم انا نسألك العفو والعافية في ديننا ودنيانا واهلنا ومالنا. اللهم استر عوراتنا - [00:40:33](#) وامن روعاتنا. اللهم احفظنا من بين ايدينا ومن خلفنا. وعن ايماننا وعن شمائلنا ومن فوقنا ونعوذ بعظمتك ان نغتال من تحتنا. اللهم انا نسألك العافية وتمام العافية ودوام العافية والشكر على العافية. اللهم ربنا اتنا في الدنيا حسنة وفي الاخرة حسنة - [00:40:53](#) وقنا عذاب النار. اللهم انا نسألك من الخير كله. عاجله واجله. ما علمنا منه وما لم نعلم. ونعوذ بك من الشر عاجله واجله. ما علمنا منه وما لم نعلم. اللهم اعطنا ولا تحرمنا. وزدنا ولا تنقصنا. واكرمنا ولا تهنا - [00:41:13](#) اهدنا ويسر الهدى الينا وارضا وارضى عنا. اللهم اهدنا وسدنا ووفقنا وارشدنا. اللهم انا نسألك الهدى والسداد. والحكمة الشهاد والتوفيق والمدد. اللهم اكفنا بحلالك عن حرامك. واغننا بفضلك عن سواك. اللهم استعملنا ولا تستبدل بنا - [00:41:33](#) اللهم استعملنا ولا تستبدل بنا. اللهم استعملنا ولا تستبدل بنا. سبحانك اللهم وبحمدك. اشهد ان لا اله الا انت. استغفرك واتوب اليك - [00:41:53](#)